


特別
18
3414
14





特

門 18
號 3414
卷 14

御訂全金詩增補中州集卷五十

金元好問原本

李俊民七

襄陽詠史

襄陽 闕

南峴山 闕

全金詩卷五十一



中峴山 闕

萬山 闕

江漢 闕

古隄

闕

年平地溢四丈五尺魏太守胡烈補缺隄以利民至唐盧鈞爲山南節度因烈之舊而增培之俗謂附城北者爲金鎖隄南曰

白銅隄

一決江源水自東長隄隱隱卧如虹不因傳得襄陽操人世何由見禹功

白沙湖

張參議詩未雨還須徹桑土白沙湖上水湯湯元祐二年邢恕守襄詔以漢有決溢之患其畫經制久遠之策公來訪被水之地得之東南隅當漢水之衝土雜白沙水至輒陷民

號曰沙湖隄之內其勢平一決則兩城相望
三十里瀦爲汙澤近郊之民趨西山甚至登
木杪

聞道沙隄水陷時茫茫無處覓完隄當時禹跡依
然在以壑爲隣笑白圭

戍邏墾田

羊公鎮襄陽吳人罷守石城戍邏減半分以
墾田八百餘頃公之始至無百日之糧及季

年有十年之積

屯徹南陽井井田劍牛刀犢兩功全石城驚落吳
兒膽野宿貔貅萬竈烟

樊城

在襄陽北漢江之湄張參議詩昔年山甫興
周地想見曹仁霸魏功昔仲山甫封於樊關
羽攻之不能破

暫來朱序秦還守初入曹仁漢復功顛倒江山今

幾主樊侯依舊襲周封

楚昭王廟

在宜城東北唐韓愈作宜城記言之甚詳愈
又有昭王廟詩丘墳滿目衣冠盡城闕連雲
草樹荒猶有國人懷舊德一間茅屋祀昭王
一間茅屋暗塵埃香火淒涼幾奠杯故國到今如
傳舍後人復使後人哀

保漢公廟

在襄陽子城南世傳紀信忠義祠今爲州之

城隍廟

將將提兵氣自揚一朝翻爲沐猴忙得從虎口抽
身去不必雷霆怒假王

鄴城

蕭何初封在谷城縣西漢功臣表高祖六年
十二月甲申封曹參以正月甲午封張良最
後封蕭何

誰是興劉第一功我侯只合最先封當時獵犬猶
爭甚得鹿權都在指蹤

三顧門

世傳襄陽水西門爲三顧門先主自此三往
見武侯張參議詩水西門外公來處

將軍命駕出門西想見門從向日題山下卧龍誰
說破賞音元直在檀溪

隆中

諸葛亮宅

一朝師出震關東料敵曹吳幾日功未必將軍天
下計乾坤容易老英雄

鹿門山

有龐德公宅在襄陽東南三十二里杜贈別
鄭鍊赴襄陽詩爲於耆舊內試覓姓龐人

百年巢穴子孫安十日長聞九日閒說破姓名人
不識鹿門山是德公山

龐士元宅

在襄陽

鷹自養來饑肯去龍從臥後顧須頻到頭驥足非
難展祇在當時駕馭人

徐庶宅

在檀溪之陽習鑿齒與謝安書云游目檀溪
念崔徐之交

誰知方寸去留初盡把功名副葛廬舉目檀溪人

不見空傳谷隱念交書

谷隱山

桓温覬覦非望習鑿齒著漢晉春秋以裁正
之後以脚疾廢於里巷襄陽陷堅素聞其名
與釋道安俱輿而致焉與諸鎮書昔晉平吳
得二陸今獲士才一人有半耳

袁斧留心漢晉閒豈期谷隱避名難一人有半隨
秦去不得相離釋道安

龔公祠

唐龔蘊也祠在鹿門山本自衡山得馬大師
法來隱張參議詩家池龍種去無踪珍重龔
公似德公龔德公宅在鹿門山

踏破衡山急急回鳳林盡是漉籬材大家了得無
生著傾出團圞話裏來

斬蛟渚

晉鄧遐爲太守襄陽城北沔水中有蛟嘗爲

人害遐拔劍入水斬之而去

久憤江干投水俗近憂泉室泣珠人到頭不是池
中物血濺驚波劍有神

夫人城

今在襄陽西北一里符丕之攻朱序也其母
韓深識兵勢自登城履行謂西北角當先受
弊遂令百餘婢并城中女丁於其角斜築城
二十餘丈寇力攻西北果挫衄而退襄陽號

曰夫人城

見說韓門素識兵故知西北勢先傾未應有子如
豚犬何在夫人自築城

誠虎碑

宋傅僎字子成爲襄陽令有善政縣多虎僎
常追虎入城誠勵虎去不復爲害邑人爲立
碑

未除不必煩周處欲刺何須待卞莊入市如羊聽

命去至今無害到襄陽

尹氏一門四闕

在襄陽縣東南三里唐尹怱有父曰嗣宗居
喪逾禮貞觀中旌表怱年十三竭力就養父
卒負土成墳紫芝產墓側天子下詔稱揚龍
朔中刺史改其閭曰南陔里子慕先孫仁恕
皆著孝行萬歲通天中繼被寵褒一門四闕
張柬之張九齡爲之記贊歐陽文忠公集古

錄言之甚詳

萱堂猶是忘憂地
烏屋相傳反哺恩
一段家風誰
出自千年鼻祖守關門

武安君廟

祠白起在南漳縣

歸去咸陽是白頭
如何此地肯重游
分明祀典無
交涉只合英靈在杜郵

修禊亭

在峴山半王子年拾遺記云江漢之人思周
昭王至春上巳祓禊集王祠不如屈原故事
相喚相呼上巳游國人無日不思周近來烽火遭
三月那得閒杯逐水流

漢陰臺

在宜城西三十步莊子子貢過漢陰見一丈
人方將爲圃鑿隧而入井抱甕而出灌用力
甚多而見功寡子貢曰有械於此夫子不欲

平鑿木爲機後重前輕挈水若抽其名爲槲
爲圃者笑曰有機械者必有機事有機事者
必有機心機心存於胸中則純白不備神生
不定非吾不知羞而不爲也
怪來賜也多言甚笑倒忘機老漢陰巧拙大都歸
一漑寧教勞力莫勞心

善謔驛

在宜城縣驛前有淳于髡墓

皆因孟酒與豚蹄致使他鄉笑滑稽無限驛亭來
往客獨言齊贅不歸齊

滄浪歌

屈原旣放游於江潭漁父見之鼓枻而歌曰
滄浪之水清兮可以濯我纓

江上揚揚一棹波衆中清濁笑懷沙不知歌後滄
浪曲却入騷人屈宋衙

競渡

全宋詩卷五十一
十一
屈原以五月五日赴汨羅土人追至洞庭湖
欠舟水莫得濟者乃歌曰何由得渡湖自此
習以相傳爲之戲
憔悴沉湘楚大夫魂招魚腹肯來無至今江上漁
歌在尚問何由得渡湖

抱玉巖

在南漳縣卞和得玉於此以進楚王王以爲
詐別其足乃抱玉泣於荆山

特特來從抵鵲山一心都在獻芹間非關楚國真
難辨舉世人皆厭等閒

習家池

卽嵩陽池也在峴山南百步水經云沔水東
入襄陽習郁池內郁依范蠡養魚法作大陂
列植竹木游讌之名處也

日日山公載酒過醒時常少醉時多兒童拍手闐
街笑驚破滄浪一曲歌

的顛溪

本名檀溪在襄陽西四里劉表因會取劉備
備潛遁所乘馬名的顛可努力的顛一踊三
丈渡中流而追者至

得雨蛟龍未易圖枉勞木禺用機謨死生畢竟誰
堪托今日纔方見的顛

作樂山

酈道元注云昔諸葛亮好爲梁父吟每所登

游俗以作樂山名之今在襄陽西北二十里
悠悠曾不倦登臨眼底何人爲賞音白雪一歌猶
掩耳安知梁父是龍吟

冠蓋里

漢靈帝時宜城太山廟有四郡守七都尉二
卿五侍中一黃門侍郎三尚書六刺史朱軒
高蓋全日會於山下荊州刺史劉表行部見
之甚歡歎其豪盛乃題道口亭爲冠蓋里刻

石銘之

道口亭前多貴游一時來往亦風流若能共畫安
劉計豈獨英雄記裏收

呼鷹臺

在襄陽縣東七里高三丈表性好鷹常登此
臺歌野鷹來曲臺之側有司馬徽龐統二宅
英豪竝起望人才底事將軍謾築臺倘使曹公肉
能飽如何喚得野鷹來

仲宣井

在萬山王仲宣故宅郭帥杲移井欄於戎司
其後破碎埋沒李帥奕收拾補甃置之便座
側稽考古今歲月爲之記

試看汲古幾何深猶有餘波慰渴心誰把石欄移
便座並鄰又得一繁欽

茲樓

王粲樓按襄陽雜詠題曰茲樓蓋取粲登樓

賦所謂登茲樓以四望兮襄陽志亦因之而樓不存

見說襄陽有古風可憐者舊老無功當年漢主龍興地盡在登樓四望中

沈碑

在萬山下杜元凱刻石爲二碑記其勲績一沈萬山之下一立峴山之上

中原人物老書生塞破乾坤萬古名俗子不知碑

尚在一朝南渡愧荒愴

晉栢

在南硯山上卽晉人所植下有小石題刻柯幹如鐵

亭亭霜幹上參天色黛皮蒼老更堅當日不知誰手植到今人與樹千年

文選樓

在子城南門按祥符圖經云梁昭明太子於

此樓選文選聚才人賢士劉孝威等一十餘人資給豐厚日設珍饌諸才子號曰高齊學士又云世傳文選成樓下所棄書與樓齊朝朝莫莫蠹書魚選盡人間得意書常恐不能精此理祇緣老杜近樓居

解佩渚

在襄陽西十里北臨沔水有曲隄按郡國志鄭交甫至漢臯臺下遇二女佩二大珠交甫

求之二女解佩行數里二女及珠俱失

相遇江臯事頗奇一雙佩解去還遺未能南國無游女詠取周人漢廣詩

弄珠泉

楚俗以嬉游爲事襄沔記歲以正月二十一日二十二日謂之天地穿日移市於城北津弄珠灘按南都賦云游女弄珠於漢臯之曲江沙一日蚌胎虛游女爭誇掌上珠美化不將風

俗禁他年恐作媚川都

金沙泉

在宜城縣東一里造酒絕美世謂宜城春又
云竹葉杯

何處山泉味最佳從來獨說有金沙楚人遍地宜
城酒莫著淄澠誑易牙

涌月亭

在南峴山

徘徊亭上晚相宜月與高人本有期不比尋常三
五夜十分圓後是來時

集古

南游

一片歸心白羽輕高蟾一場春夢不分明張泌

東風二月淮陰郡劉商總是關山離別情王昌齡

自遣

南路蹉跎客未回樊晃山桃野杏兩三栽雍陶

逢春漸覺飄蓬苦才調更向花前酒一杯嚴憚

雨後出郊

柳塘烟起日西斜鮑溶馬踏春泥半是花竇鞏

何處最傷游客思武元綠陰相隔兩三家司空圖

寒食

閒身行止屬年華薛能故國春歸未有涯司空圖

一樹梨花一溪月才調不知墻外是誰家郎士元

郭外

寒食悲看郭外春雲表數聲鴉噪日將曛潘閌

山中舊宅無人住戴叔倫一樹繁花傍古墳盧綸

小桃

桃花依舊笑春風崔護悵望無人此醉同趙嘏

應是夢中飛作蝶呂溫樹頭樹底覓殘紅王建

看花

兩岸山花似雪開劉禹錫開時莫放豔陽回李商隱

明朝攜酒猶堪賞李涉雨漲春流隔往來劉商

感春

無人不道看花回

劉禹錫

猶憶紅螺一兩杯

陸龜蒙

曾是管絃同醉日

趙嘏

來時歡笑去時哀

韋冰

莫春

一年春色負歸期

韓偓

綠葉成陰子滿枝

杜牧

公子王孫莫求好

韓琮

如今不似洛陽時

崔櫓

送春

可憐寥落送春心

高駢

負郭依山一徑深

李涉

燕子不歸花着雨

韓偓

小溪猶憶去年尋

山谷

二月已破三月來

杜子美

常嗟物候暗相催

樊晃

幾時心緒渾無事

李商隱

終日傳杯不放杯

山谷

遣興

讀徹閒書弄水回

趙嘏

綠楊移傍小庭栽

文幹

閉門盡日無人到

韋莊

便有春光四面來

邵謁

下樓

繡簾珠戶未曾開

東坡

却向東風領恨回

李山甫

行到中庭數花朵劉禹錫遙聞語笑自空來李端

招飲

當時朝士已無多劉禹錫故里心期奈別何羊士諤

不用凭欄苦回首杜牧且來花裏聽笙歌東坡

春感

歲歲無如老去何劉長卿東城南陌強經過謝皎然

不知誰唱春歸曲曹唐斷得人腸不在多王建

約同歸

故國烟花想已殘盧弼浮生各自繫悲歡司空圖

青山一道同雲雨王昌齡步步相攜不覺難劉禹錫

江村

夜添山雨作江聲羊士諤綠暗紅藏江上村韋莊

何處人間似仙境劉禹錫寥寥一犬吠桃源劉長卿

送客之江陵

獨上江樓思渺然趙渭南故人去後絕朱絃山谷

西南一望和雲水竇鞏入郭登橋出郭船羅隱

贈別

蕭蕭落葉送殘秋

權德輿

樓上黃昏欲望休

李商隱

滿目莫雲風捲盡

陸龜蒙

亭亭孤月照行舟

蓋嘉運

秋懷

八月霜飛柳遍黃

盧弼

鳥鳴山館客思鄉

薛逢

十年馬足知多少

雍陶

地角天涯不是長

張建封妾

洛中

洛陽猶自有殘春

劉禹錫

水北源南草色新

張籍

山酒一卮歌一曲

許渾

不能回避看花塵

趙渭南

洛中感舊

千里江山一夢回

盧中

悔緣名利入塵埃

雍陶

年光到處皆堪賞

令狐楚

誰與愁眉唱一杯

山谷

席上

春風寂寞旆旌回

武元衡

兩度天涯地角來

雍陶

重到笙歌分散地

杜牧

與人頭上拂塵埃

李山甫

憶昔

憶昔爭游曲水濱 王駕 當軒下馬入錦茵 杜子美

如今不似時平日 王建 風起楊花愁殺人 李益

南征

兩行旌旆接揚州 李涉 烽火城西百尺樓 王昌齡

九姓如今盡臣妾 趙嘏 青天猶列舊旄頭 汪遵

老將

蓬根吹斷鴈南翔 盧弼 曉鼓聲中兩鬢霜 趙嘏

獨倚關亭還把酒 杜牧 不堪秋氣入金瘡 盧綸

憐君一見一悲歌 劉長卿 破虜曾輕馬伏波 趙嘏

今日寶刀無殺氣 朱冲和 太平功業在山河 吳融

門前不改舊山河 趙渭南 淚落燈前一曲歌 李群玉

更把玉鞭雲外指 韋莊 只緣君處受恩多 朱冲和

感征夫家

臂上彫弓百戰勳 王維 居延城外又移軍 令狐楚

不知萬里沙場苦 高駢 猶自笙歌徹曉聞 王建

從軍

萬里還鄉未到鄉 盧綸 受降城外月如霜 李益

誰家營裏吹羌笛 蓋嘉運 不是愁人亦斷腸 戴叔倫

聞笛

山頭烽火水邊營 來鵠 祇有牛羊與馬群 蓋嘉運

羌笛何須怨楊柳 王之渙 忍教嗚咽夜長聞 趙嘏

漢女

天邊物色更無春 蓋嘉運 碧玉芳年事冠軍 楊巨源

人世死前惟有別 李商隱 陽臺去作不歸雲 趙渭南

有別

長對春風裛淚痕 才調集 殷紅馬上石榴裙 張謂

無端更唱關山曲 王表 哀怨教人不忍聞 蓋嘉運

悼征婦

萬里行人尚未還 儲嗣宗 百年多在別離間 盧綸

當時驚覺南柯夢 李涉 為雨為雲過別山 李群玉

代送別

隴上流泉隴下分 崔涯 目隨征鴈過寒雲 李涉

人生適意無南北王介甫莫向陽臺夢使君戎昱

睡起

萬轉千回懶下牀崔氏不辭鶉鴝妬年芳李商隱

酷憐一覺平明睡羅隱枕破施朱隔宿妝薛能

無睡

江南江北望烟波劉禹錫顰黛低紅別怨多李群玉

盡日傷心人不見許渾卧來無睡欲如何李商隱

謾書

已共紅塵跡漸疎李九齡畫簾愁見燕歸初徐凝

無端有寄間消息杜牧腸斷蕭娘一紙書崔氏

寄情

年光空感疾如流吳商浩同向春風各自愁李商隱

有境牽懷人不曾齊己落花深處指青樓權德輿

曾留宋玉舊衣裳李群玉雲雨巫山枉斷腸李太白

不為傍人羞不起西廂崔夜來新惹桂枝香裴思廉

寂寥滿地落花紅京兆女子獨倚欄杆花露中趙嘏

征客未來音信斷 張法 年年回首泣春風 王傑

秋夜

擲却風光憶少年 顧况 多生信有短因緣 鮑生妾

欲知此恨無窮處 羅虬 星落銀河月半天 趙象

有感

風輕簾幙燕爭飛 才調 到處烟花恨別離 韋莊

倚柱尋思倍惆悵 張泌 映人勻却淚胭脂 韓偓

戲答

公子于孫逐後塵 崔郊 近來方解惜青春 鄭谷

春心不慳空歸去 滕傳 長伴吹簫別有人 劉禹錫

戲遣

雨散雲收一餉閒 真氏 不知何處入空山 盧綸

慇懃好取襄王意 戎昱 下蔡城危莫破顏 李商隱

枉破陽城十萬家 李商隱 門前初下七香車 王維

自緣今日人心別 鄭都 隔座剛拋豈蕊花 軍倅

偶見

莫愁還自有愁時李商隱 眉斂春山知為誰東坡

含淚向人羞不語崔涯 芙蓉頭上縮青絲李涉

滿身花影倩人扶陸龜蒙 清澗潘郎玉不如楊巨源

畢竟多情何處好韋莊 庾樓明月墮雲初趙渭南

雲髻朝來不欲梳徐凝 娉娉嫋嫋十三餘杜牧之

分明記得曾行處方干 看遍花枝盡不如趙嘏

聽歌

清歌空得隔花聞楊巨源 寂寞堂前日又曛趙嘏

共待夜深聽一曲戴叔倫 女兒絃管弄參軍薛能

寄懷

愁雲漠漠草離離竇庠 去國還家一望時韓琮

幾度相思不相見武元衡 雪中梅下與誰期李商隱

秋怨

且將團扇暫徘徊王昌齡 淚滴閒階長綠苔鄭谷

春色似憐歌舞地姚合 不論時節遣花開東坡

悲故宮人

雲慘烟愁苑路斜

孟遲

宮鶯銜出上陽花

雍陶

朱鉛滴盡無心語

張祐

生死深恩不到家

竇鞏

懷古

莫雲宮闕古今情

韓琮

芳草長含玉輦塵

韓偓

春意自知無主惜

崔櫓

落花猶似墮樓人

杜牧

舊游

山南山北雨濛濛

韋莊

十載長安似夢中

李涉

今日獨來張樂地

劉禹錫

故人墳樹五秋風

杜牧

關中

岳北秋空渭北川

司空圖

一村桑柘一村烟

韓偓

行人莫訝頻回首

貫休

記得春深欲種田

薛能

過梅溪舊居

遠到音書轉寂寥

徐凝

青山隱隱水迢迢

杜牧之

村園門巷多相似

雍陶

花落梅溪雪未消

靈澈

登山陽郡樓

將軍一去泣空營

乾符童謠

槐柳蕭疎遶郡城

羊士諤

試上高樓望春色

李涉

落花流水歎浮生

温庭筠

王公樓上會飲

詩酒能消一半春

趙嘏

紫微才調復知兵

崔道融

黃河九曲今歸漢

薛逢

獨上高樓故國情

羊士諤

答籌堂

一夕秋風白髮生

才調集

相思迢遞隔重城

李商隱

前歡往恨分明在

韓偓

贏得青樓薄倖名

杜牧

重九

事去人亡跡自留

劉長卿

白雲猶似漢時秋

岑參

如今暫寄樽前笑

劉禹錫

明日黃花蝶也愁

東坡

十日遣興

露葉如啼欲恨誰

劉禹錫

曉庭空遶折殘枝

鄭谷

芳樽有酒無人共

趙嘏

卧看南山改舊詩

韋莊

古城

東風漸急夕陽斜

朱鵠

馬上懷中盡落花

薛能

腸斷入城芳草路

韋莊

孤烟起處是人家

東坡

送行

天涯方歎異鄉身

韋莊

雲別青山馬踏塵

趙渭南

欲問孤鴻向何處

本問 隱

依依還似北歸人

東坡

宮柳

寒食東風御柳斜

韓翃

輕盈嫋娜占年華

劉禹錫

試看三月春殘後

李山甫

不見人烟空見花

韓偓

對花

盡是劉郎去後栽

劉禹錫

為誰零落為誰開

嚴憚

風流才子多春意

戴叔倫

半醉閒吟獨自來

高駢

宿橫望

遠上寒山石徑斜

杜牧

月臨荒戍起~~煙~~鴉

高蟾

故鄉今夜思千里

高適

每到花時不在家

張祜

妓為尼

無地無媒只一身

趙渭南

蛾眉畫出月爭新

高駢

春來削髮芙蓉寺

楊巨源

從此蕭郎是路人

崔郊

新居

每憶雲山養短才

雍陶

蓬門今始為君開

杜子美

落花寂寂黃昏雨

韋莊

依舊去年雙燕來

趙渭南

寒食野外

浮雲飛盡日西頽

韋檢

莫向花前泣酒杯

趙嘏

獨上郊原人不見

成文幹

野風吹起紙錢灰

吳融

贈別

綠柳纔黃半未勻

楊巨源

灞橋攀折一何頻

皇甫冉

相逢且莫推辭酒

白樂天

明日忽為千里人

劉禹錫

惜春

自有林亭不得閒

溫庭筠

長安豪貴惜春殘

東坡

晚來風起花如雪

劉禹錫

為問無情歲月看

高蟾

春望

半似羞人半忍寒

韓偓

風和時拂玉欄干

段成式

門前不見歸軒跡

錢起

強把花枝冷笑看

張祐

寒食夜雨

風景依稀似去年

趙渭南

鳥啼花發柳含烟

顧况

夜深斜搭鞦韆索

韓偓

獨向簷牀看雨眠

雍陶

早行

一聲歌盡各東西

趙渭南

花外烟濛月漸底

陸龜蒙

馬上正吟歸去好

韋莊

山山樹裏鷓鴣啼

張籍

過友人別墅

少游京洛共紅塵

李益

依舊瓊林照映人

山谷

且向白雲求一醉

戴叔倫

麻衣草坐亦終身

靈澈

不遇

來往風塵共白頭

戴叔倫

誰人肯向死前休

韓退之

直教桂子落墳上

賈島

富貴何嘗潤髑髏

山谷

豈有文章動聖君

丁謂

欲將書劍學從軍

溫庭筠

平生名利關身者

翁綬

執戟官資笑子雲

孫僅

隱居

北去秦關路幾多

李商隱

中原無鹿海無波

吳融

荷蓑不是人間事

李涉

造物小兒如子何

東坡

訪隱者不遇

忽聞春盡強登山 李涉 却笑孤雲未是閒 施肩吾

惆悵仙翁何處去 高駢 尋真不見又空還 韋應物

懷韓居士

烏巾年少歸何處 姚合 陵谷依然世自移 李涉

上天下地鶴一隻 高駢 還在人間人不知 東坡

古道人

鶴骨飄飄紫府仙 東坡 香風引到大羅天 牛僧孺

無人寂寂春山路 李群玉 洞在清溪何處邊 張顛

遊仙

霧爲襟袖玉爲冠 韓偓 委佩低簪彩仗閒 劉禹錫

上界真人足官府 韓退之 不如歸去舊青山 東坡

李道者

麻衣少年雪爲顏 施肩吾 聞說經旬不啓關 韓偓

弄玉已歸蕭史去 趙嘏 洞門深鎖碧窓寒 高駢

仙廟

桂冷松香十里閒 康求 水晶如意玉連環 李商隱

年年笑伴皆歸去

盧綸

門對寒流雪滿山

韋應物

殿臺渾不似人寰

劉禹錫

花態嬌羞月思閒

李涉

高坐寂寥塵漠漠

唐永

秋風落葉滿空山

謝朓然

女仙臺

上清真子玉童顏

李涉

石座苔花自古斑

王禹偁

雲雨今歸何處去

竇庠

受人祭享占人山

郭震

聽琴

蟬鬢慵梳悵倚門

劉昫

抱琴花夜不勝春

趙渭南

不應更學文君去

李昌

擬作梁園座右人

劉禹錫

怨別

書來未報幾時還

竇鞏

終日昏昏醉夢閒

李涉

別易會難長自歎

韓偓

不堪重過望夫山

真氏

寄遠

桃李年年上國新

李益

單于鼓角隔山聞

馬逢

一行書信千行淚

王駕

不是思君是恨君

武元衡

恨別

悽悽長是別離情 韋莊 冰簟銀牀夢不成 溫庭筠

昨夜秋風今夜雨 盧綸 篝燈愁泣到天明 韓偓

君問歸期未有期 李益 邇來中酒起常遲 韋莊

山長水遠無消息 指點庭花又過時 韓偓

感舊

流鶯驚起不成棲 陸龜蒙 入到繁華夢覺時 崔塗

人面只今何處在 崔護 魏公懷舊嫁文姬 舒元

碧欄干外繡簾垂 韓偓 曾識雲仙至小時 李涉

見我佯羞頻顧影 李商隱 滿頭猶自插花枝 劉德

九陌初晴處處春 趙渭南 日高深院斷無人 李商隱

樽前花下長相見 劉夢得 宋玉東家是舊隣 王碩

塞上

古溝芳草起寒雲 許渾 斷續鴻聲到曉聞 令狐楚

萬里江山今不閉 李益 死生同恨舊將軍 高駢

登樓

東池送客醉年華 呂溫 獨倚危樓四望賒 李九齡

日莫鳥啼人散盡

吳融

輕風細雨落殘花

武元衡

花期不赴

雲泥豈合得相親

戎昱

還把閒吟慰病身

丁謂

一種是春長富貴

杜子美

有愁人有不愁人

來鵬

山中偶得

棄擲功名脫屣閒

孫僅

東風吹雨過青山

盧綸

行人莫話金章貴

鄭谷

久許孤雲作往還

義先

重九日

二十餘年別帝京

劉禹錫

可能朝市汗高情

韓偓

秋光何處堪消日

李法

漫遶東籬嗅落英

東坡

九日戲幕賓

一任斜陽送客愁

沈彬

邊鴻不到水南流

劉禹錫

自從身逐征南府

張祜

破帽多情却戀頭

東坡

晚菊

白露寒花自遶籬

羊士諤

從他桃李笑開遲

冉宗敏

一年秋色吟中過

沈彬

門外重陽過不知

齊巳

十日對菊

籬菊香寒晚吹生

孫僅

可能榮落在朝昏

李商隱

浮生也共花無別

杜光庭

不受陽和一點恩

李山甫

梅

我今移爾滿庭栽

韋莊

不向東風怨未開

雍陶

回首看花花欲盡

高駢

北人初識越人梅

東坡

落梅

每到花時把酒杯

韓偓

莫天何處笛聲哀

趙渭南

縱然一夜風吹去

司空文明

不恨凋零却恨開

杜牧之

御訂全金詩增補中州集卷五十一

金元好問原本

麻秉燹 一首 補

補 秉燹臨晉人革父也登皇統九年進士官兵部侍郎

題廣勝寺

盤雲梯石上崇岡殿閣崢嶸古道場寺紀汾陽親
奏額塔傳阿育久騰光簷前山聳千螺秀檻外溪
分二帶長種種塵緣都洗盡祗因身在白雲鄉

移刺霖

二首

補

補臨潼志霖字仲澤官陝西路按察使

驪山有感二首

蒼苔逕滑明珠殿落葉林荒羯鼓樓渭水都來細
如綫若爲流得許多愁

山下驚飛烈火灰山頭猶弄紫金杯夢迴未奏梨
園曲臥聽吟風阿濫堆

附驪山石刻詩跋詩之興也久矣其源本

出於國風之什濫觴於漢魏派演於六朝
下逮唐宋汪洋大肆靡所不至大率以鍊
格鍊意鍊句鍊字爲法按察相公人品高
秀天性奇穎一遊塲屋芥拾甲科士子仰
之如泰山北斗向有題華清宮三絕句遠
近傳誦今再遊復留一絕恬然備四鍊體
友人賀吉甫作傳遠計命遼東孫極之書
諸石承安 年

附金詩紀事案王若虛滹南集中有虛舟
堂銘一首爲移刺仲澤作又羽士丘處機
磻溪集前有仲澤序自署云昭義大將軍
武定軍節度使兼奉聖州管內觀察使提
舉常平倉護軍漆水郡開國侯食邑一千
戶食實封一百戶移刺霖序作於泰和六
年丙寅而仲澤於承安間已官陝西按察
則其登第時定在大定年也

附臨潼石刻志雲房草書二字在櫟陽東門壁上題云按察陝右東西路移刺仲澤先生德業文章聲蓋天下其幼子松齡茂之年甫志學性工染翰嘗擬鍾離書雲房二字筆力放浪若驚鴻奔驥畧不羈束方之正本雖識者較讐莫能別其差銖鎰使此公加以數年則張旭羲之其流也余嘉歎不足因叙片言於後庶幾來者有以知

名父傑子萃諸一門時承安四年歲在巳未冬至日徵事郎行京兆府櫟陽縣主簿李某謹志廣威將軍行京兆府櫟陽縣令黃某立石

梁襄 一首 補

補襄字公贊絳州人持勝之父長於春秋
 左氏登大定三年進士第調耀州同官主
 簿三遷邠州淳化縣令陞慶陽府推官召
 為薛王府掾世宗將幸金蓮川襄上疏極
 諫由是以直聲聞擢禮部主事太子司經
 選為監察御史轉中都路都轉運戶籍判
 官遷邇遠安國二軍節度副使歷隰州刺

史累遷保大軍節度使卒有諫興陵田獵
表傳於世

謁禹王廟

波涵九域民爲魚帝奮忠勤親決除水涸茫茫盡
桑稼萬世永賴功誰如功高受享宜宏久廟貌方
方無不有砥柱神靈最偉奇會稽血食尤隆厚火
山所建在空山庠殿短廊纔數閒題碣人多題字
鬧祭祀禮少犧牲閒欽惟帝道崇勤儉此郡民繁
地磽嶮辛苦耕耘衣食麓孚祐乞偏無令歉

胥持國 一首 補

補持國代州繁峙人莘公鼎之父大定中
爲太子司藏掌飲食有功母后家章宗卽
位推拜尚書右丞

挽姚仲純

山東夫子老河東誰與先生臭味同
早歲遽辭名宦裏百年長樂聖賢中
醉軒風月千秋恨蝸室樽罍一夢空
白玉樓成人不見空餘鄉淚托東風

王萬慶

一首

補

補萬慶字禧伯史作曼慶自號澹游黃華
老人庭筠子也仕至行尚書省左右司郎
中詩筆字畫皆有父風時論金人字畫以
黃華父子爲最方之宋之二米云

歲寒三友圖

黃華山中夜氣清月明風定聞吹笙松花開向竹
梅裏雪香零亂墨光生

附元歐陽玄澹游歲寒三友圖跋京城好古之家多見澹游所作自是高古無俗氣皆未若此卷天真爛熳盡從書法中來絕去筆墨畦徑乃妙品也又倪瓚跋中州人物獨黃華父子畫書詩逸出羶裘之表爲可尚也觀澹游此卷筆意蕭然有蔡天啟風流蓋高尚書之所祖述而能冰寒於水者歟又吳寬跋金人書畫兼美者以王黃

華爲最澹游爲之子實肖之可方宋之二米也此圖世所謂歲寒三友者蓋嘗流入江南故倪元鎮王叔明皆次歐陽文公韻題其後足爲橘莊中佳玩也

出汪氏
珊瑚網

附元王惲跋澹游先生詩後黃華先生以海嶽精英之氣發而爲文章翰墨當明昌閒照映一時惟其早世識者至今惜之余向客好事家屏圍幘軸無非澹游詩翰迺

知老成雖遠典刑盡見於是此幅公之老
筆尤瀟灑可受豈神完守固氣自清明雖
耄而不衰者邪戊子冬陽生后日秋澗惲
謹題

附春雨雜述王庭筠南宮之甥擅名於金
傳子澹游

附遺山集公無子以弟庭掞之次子萬慶
爲之後以蔭補官至行尚書省左右司郎

中文章字畫能世其家

附金詩紀事案金人書畫時論以黃華父
子爲最方之宋之二米然禧伯行事不多
見中州集復不詳其所終惟遺山集云癸
丑夏客燕中萬慶屬筆作黃華墓碑癸丑
爲蒙古憲宗三年距金之亡已二十年矣
則禧伯後亦入燕可知又張本敏之有九
日月中對菊同禧伯郎中賦絕句六首內

一首云子山牢落去江南賦主悲哀尚一
堪只恐秋天聞亦苦併催紅雨下霜巖其
餘語亦多淒絕敏之本金之翰林學士從
曹王訛可出質客居燕之長春宮以黃冠
終者故其詞云爾題中所稱郎中尚是禧
伯在金時舊官與遺山集所云官至行尚
書省左右司郎中者合則禧伯入燕後亦
未嘗仕元者也

張穀

三首

補

補歸潛志張穀伯玉許州人伯英運使弟
也少有俊才美風姿髯齊於腹爲人豪邁
不羈奇士也初入太學有聲從屏山游與
雷李諸君及余先子善雅尚氣任俠不肯
下人再舉不中遂輟科舉計居許之郟城
有園有田宅甚豐日役使諸姪治生事而
已暇則以詩酒自放偃然爲西州豪俠魁

全唐詩卷五十一
邑令過使皆下之喜稱人善交游有患難
極力挈扶俗子少不愜意輒嫚罵年四十
餘不娶有一妾因小過以鐵簡殺之嘗衣
紫綺裘半醉坐堂上人望之如神迨酒酣
興發引紙落筆往往有天仙語後病腦疽
死年未五十

與李屏山飲燕市二首

日日飲燕市人人識張鬪西山晚來好飲酒不下

驢

昨日上高樓西山翡翠堆今日上西樓西山如死
灰想見屏山老療飢西山隈餐盡西山色高樓空
崔嵬

賦古鏡 存句

軒姿古鏡黑如漆錦華鱗皴秋雨濕

孫錡 一首 補

補錡字安世絳州人鎮弟也與弟同榜擢
第鄉人榮之錡官同知定遠軍節度使終
寧州刺史

望川亭

望川亭上望秦川萬里風烟在眼前軒檻倚簷高
幾許去巖尺五是青天

白君舉 二首 補

補君舉失其名字寓齋隩州人登金泰和三年詞賦第官岐山令詩名與元遺山相頡頏元白爲中州世契兩家子弟每舉長慶故事以詩文相往來北渡後卜築于滹陽結茅爲亭有茅亭詩樂城李冶序之曰龍韜雷厲於紛拏之頃玉唾川流於談笑之間吳澄曰巧妙穠麗錯諸吳楚歌謠中

全金詩卷五十一
十四
幾莫可辨弟華字文舉亦登貞祐三年進士第官樞密院判湯內翰西巖贈詩有科第聯飛光白傅之句仲子樸字仁甫號蘭谷有天籟集詞

題靖節圖

咄哉靈運輩危坐衣裳辱何如五柳家春雨東臯
綠

酬元遺山

夢裏薰風湛露歌花開漢苑舊經過拾遺老去青
春莫司馬歸來白髮多橫槊賦詩吾豈敢短衣扣
角夜如何相逢未盡相思話草色連雲水碧波

張子權

二首

補

補子權字元輿臨漳人金進士善爲詩按
彰德府志載金進士題名五十一人到或
常琥郭輯李松年范穀王濶李京尹王萬
鈞赫煚王萬石鄭元張天翼鄭飾劉可與
赫華元起董膺元論道寧高天祿張彤張
觀王闢王子初張仲思劉延賞尹崇敏高
天祐張安中王天章劉漢寶馬可臣溫琰

邵崇董元藺元章盧天錫薛居中張正倫
李正隆朱方鄺復亨張仲因房椿樂著張
敏修張玠張子權康瑋秦鑄張都梁之棟

甲申元日

憶昔三朝侍紫宸鳴鞘聲送鳳池春繁華已逐流
年逝潦倒猶甘昔日貧莫曆怕看驚換世椒觴愁
舉痛思親異鄉節物偏多感但覺愁添白髮人

遊黃華

溪流漱石振蒼崖林樹號風吼怒雷爲謝山靈幸
寬貰漫郎投劾已歸來

翟升 一首 補

補升字利夫平陰人金進士

羣賢登第詩

陶山先生主文盟

申公綽號陶山

郭令好學加勸懲

郭好學平

陰平陰儒學日復振不讓五虎專前名
靳侯才名

馳冀北

靳子昭邑主簿

初官佐治肥子國下車首詢沂上人

供室勸學增潤色文章圓熟推許公典而麗兮

詞更工山城天荒從此破白袍換綠榮鄉中

許祐蘇

仙久藉家學力內抱英華外謙抑十年作賦氣凌

雲唾手功名不勞得

蘇得勝

古學眾許芝亭劉下筆

萬字何能休俯就繩墨入賦室一戰而勝酬焚舟

劉格

賢哉鄒河子董子八舉終場人罕比廣陽就試

欲投名尚以老成爲所耻

董哲

孝感里中重王兄德

與才稱非過情耽經玩史日無輟藹然素有場屋

聲

王瓚

升也文學宗董氏陶山竹溪亦席侍靳老餘

緒復稔聞駑馬卜駕希驟耳

翟升

明昌天子試飛龍

董子王升文并雄金門獻賦僕亦與北宮唱第三

人同至今地脉何曾斷吾鄉士風天下冠學者體

法舊純樸豈止爲文思過半申氏名族世共知後

之苗裔振復奇潛遺祖德借餘論又向蟾宮折桂

枝

申振

溪上先生號醇德動爲儀表言爲則發明聖

道得其傳恩不及身後蕃息乃孫經學有淵源乙

科優中光儒門靳侯名鄉能遠慮居賢因此石硤

村

王知進

李君力學人難企弱冠聲華藹鄉里早承

鶚薦上天廷一舉名經取青紫李可用翠華警蹕幸

南都聖心願治求碩儒日邊詔下免秋試三英笑

指龍門趨錡氏兼經勤博古蘇子天才中規矩李

生伯仲三豪間鼎甲科名俱力取錡申蘇霖李唐英明年

較藝入明光王氏文詞復擅場聖代人材罔遺棄

特恩賜第名亦彰王天筠窻晝寂閒屈指仕者十

有三人矣不才魯鈍甘隱居但慶諸公膺器使為

報後來為學人前進已達教猶存勉旃勉旃學而

仕食祿無忘先輩恩

李廣 一首 補

補廣金貞祐元年任沁水縣令

自靈泉寺至偃月山

立馬松間首重迴
亂峯無數翠成堆
爲尋偃月山
前路直向白雲深處來

張邦直 一首 補

補歸潛志張邦直字子忠河內人少工詞賦嘗魁進士平陽南渡爲國史院編修官遷應奉翰林文字在館五六年從趙閒閒遊性朴澹好學敬善謙甚士多愛之閒閒本注太玄子忠嘗言親授於關中隱士薛子明因相與講辨甚久俄丁母艱出館居南京從學者甚衆束修唯以市書惡衣糲

食雖仕宦如貧士也同年如雷宋諸人皆
以聲名意氣相豪子忠獨恬退以學自樂
正大初余先子入翰林子忠從之游先子
歿與余善從南京被圍闕食余遇之富城
西敝衣縑縷可憐已而聞鬻卜天街值一
回鶻問卜子忠以文語應之爲回鶻所毆
北渡將還鄉道病死哀哉

挽劉雲卿

桃李雙鳧鳥風霜一豸冠才華驚世易勲業到頭
難白日空金馬青天下玉棺傳家有賢子文或似
歐韓

雷仲澤 雷一作震 二首 補

補 仲澤蒲城人官按察使

蒲城馬上偶得二首

冷落襟風杯月崎嶇馬足車塵林下何曾一見宜
教羨殺閒人

空有滿衣塵土曾無蓋世名勲忽認青山影裏有
人臥月眠雲

楊用道 一首 補

補用道長山人仕至中奉大夫

題懷范樓

十載希文此屈蟠天衢一旦遂高搏古人直許到
夔契當世獨能并富韓事與陶朱終古煥名將長
白倚天寒不但東坡爲流涕遺編我亦涕洟瀾

楊容 一首 補

補楊容濟南人

范文正公祠 補

蕭何太白皆星精豪傑不待文王與陶朱異姓在
 髻鬣當時范氏 塵纓我名終自異凡品肯使沒
 世無聲名山東讀書至卿相莫年去作山西將國
 恩未報歸不得林猿澗鶴空惆悵山中舊隱當依
 然惟有白雲封總帳迄今東齊人物少空谷不聞

虛皦皦少微無光山色死令人痛哭長山道

石玠 一首 補

補玠字子堅猗氏人允元十五年絳州節度使

絳州道中送鄉人

有淚欲不灑恐傷真性情有淚欲狂灑又非丈夫
行展轉意如何屈曲腸寸縈西山萬丈高潑潑當
前迎山靈知別難向我相慰明吾子乃王使年質
方竅英爲朝廷耳目作稷契公卿望霖雨天下求

舟楫蒼生輶車一相過河嶽需澄清今當此別離
何足爲重輕君不見大禹當年任治水八載於外
惟經營又不見班超萬里思封侯至今邊塞咸推
彌古來賢聖盡如此丈夫勲業豈偶成俛首聞至
言再拜謝山靈感激少自奮離思卽清平去去西
邊深致力期與傑士同光聲

楊鵬 一首 補

補金史姬汝作傳詳議官楊鵬字飛卿能
詩

附相學齋雜抄紫羅凡凡道人楊鵬字飛
卿一名雲鵬少梁人北渡後終於東平有
陶然集行世

送元遺山

三館才名天下聞亂來俗議漫紛紜兩朝文筆誰

爭長一代詩人獨數君南浦春深愁送別西山晚
翠約平分何時竝坐龍潭上野水添盃看白雲

附元好問陶然集序貞祐南渡後詩學爲
盛洛西辛敬之淄川楊叔能太原李長源
龍坊雷伯威北平王子正之等不啻十數
人號稱專門就諸人中其死生於詩者汝
梅楊飛卿一人而已李內翰欽叔工篇翰
而飛卿從之游初得樹古葉黃早僧閒頭

白遲之句大爲欽叔所推激從是游道日
廣而學亦大進客居東平將二十年有詩
近二千首號陶然集所賦青梅瑞蓮鉞聲
雪意或多至十餘首或病飛卿追琢功夫
太過者予繹之曰詩之極致可以動天地
感鬼神故傳之師本之經真積之力久而
有不能復古者自匪我愆期子無良媒自
伯之東首如飛蓬愛而不見搔首踟躕旣

見復關載笑載言之什觀之皆以小夫賤
婦滿心而發肆口而成見取於采詩之官
而聖人刪詩亦不敢盡廢後世雖傳之師
本之經真積力久而不能止焉者何古今
難易不相侔之如是耶蓋秦以前民俗醇
厚去先王之澤未遠質勝則野故矢口成
文不害爲合理使今世小夫賤婦滿心而
發肆口而成適足以污簡牘尚可辱采詩

官之求取耶故文字以來詩爲難魏晉以
來復古爲難唐以來合規矩準繩尤難古
律歌行篇章操引吟咏謳謠辭調怨歎詩
之目旣廣而詩評詩品詩說詩式亦不可
勝讀大槩以脫棄凡近燥雪塵翳驅駕聲
勢破碎陣敵囚鎖怪變軒豁幽秘籠絡今
古移奪造化爲工鈍滯僻澀淺露浮躁狂
縱淫靡詭誕瑣碎陳腐爲病毫髮無遺恨

老去漸於詩律細佳句法如何新詩改罷
自長吟語不驚人死不休杜少陵語也好
句似仙堪換骨陳言如賊莫經心薛許昌
語也乾坤有清氣散入詩人脾千人萬人
中一人兩人知貫休師語也看似尋常最
奇崛成如容易却艱難半山翁語也詩律
傷嚴近寡恩唐子西語也子西又言吾於
他文不至蹇澀惟作詩極艱苦悲吟累日
僅自成篇初讀時未見可羞處姑置之後
數日取讀便覺瑕釁百出輒復悲吟累日
反復改定比之前作稍有加焉後數日復
取讀疵病復出凡如此數四乃敢示人然
終不能工李賀母謂賀必嘔出心乃已非
過論也今就子美而下論之後世果以詩
爲專門之學求追配古人欲不死生於詩
其可已乎

盧庸 一首 補

補金史盧庸字子憲薊州豐潤人大定二十八年進士調唐州軍士判官再調定平縣令史除南京轉運副使改中都戶籍判官察廉遷禮部主事累官鳳翔治中太安三年改乾州刺史入爲吏部郎中至寧元年改陝西按察副使夏人犯邊庸繕治平涼城池儲積芻粟團結土兵爲備十一月

夏人圍平涼庸矢盡寡人取夏兵射城上
箭以濟急用出府庫賞有功者平涼賴以
完進官四階遷按察轉運使未幾改定海
軍節度使以病致仕興定三年卒

登嵩山絕頂抵宿盧巖

飛梁挂壁虹霓落列嶂遙連翡翠巖樹溪禽盡
相繆一春踏徧萬峯巔

孔彥舟

補

補金史彥舟字巨濟相州林慮人亡命爲
盜後爲宋招捉使走之齊從劉麟伐宋齊
國廢從宗弼取河南累官工兵部尚書河
南尹封廣平郡王正隆例降金紫光祿大
夫改南京留守

南行口號

存句

苦被杜鵑頻喚着參差兵馬過衡陽

全金詩卷五十一
附三朝北盟會編彥舟在潭州屢敗於馬
友乃退去欲向南行因作口號有云云之
句

御訂全金詩增補中州集卷五十二

金元好問原本

杜仁傑 二十四首 補

補杜仁傑字仲梁一字善夫濟南長清人
與遺山善元時累徵不起子元素任福建
閩海道廉訪使以子貴贈翰林承旨資善

大夫諡文穆

和信之板橋路中

岸風折枯凌野日明遠燒山晚雲烟深遊子悲險
峭平生文字僻所歷入吟嘯急景不貸人佳處領
其要

木杪來江光中途憩消搖佳人在空谷尺素昔見
招徒老黃塵中愧爾漁與樵永懷梁甫吟旦莫風
蕭蕭

禹城道中

自發醯雞覆蓬心得少瘳乾坤一尺篋今古幾全
牛歲月憐丹竈雲山笑白頭此生真欲老何地不
菟裘

病中枕上

忽忽臥幾月遂成疎懶名却因久病後更覺萬緣
輕月落窓影動夜寒燈暈生狸奴似相慰分坐守
殘更

送信雲父

居士身輕日秋天木落時山青雲冉冉川白草離
離涉世心將破懷人鬢已絲相逢琴酒樂應怪久
違期

病中憶坦夫兄

共脫壬辰亂他鄉見愈親論才惟有子知己更無
人避世相看老通家未擬貧竹林平日約早晚得
爲隣

從軍

野濶牛羊小天低草樹平吳疆連晉境漢卒雜蕃
兵月合圍城暈風酣戰陣聲中原良苦地上古錯
經營

雨中寄高無塵

久客饒孤悶連陰動浹旬行雲應已倦細雨亦傷
貧飄泊嗟吾道饑寒任此身人家酒應熟誰爲問
南隣

雪後書事

雪罷山原淨日晴風景新一川花氣午萬壑水聲
春天地開華國關河失戰塵無邊野色裏惆悵獨
行人

至日

松竹浣花里桑麻杜曲田蒼茫辭蜀地辛苦見秦
天死去誰憐汝生還事偶然但甘終壠畝待聘豈
前賢

宿金線泉

官舍值淫雨客衣驚早秋洩雲迷灌木行潦帶清
流蛛網翻新霽蟬聲咽莫愁古今何限事白首對

滄洲

中秋夜宿普照寺喜周卿至

久客厭孤寂楚然聞子來夜涼風縮瑟雲破月徘徊
舊事休重說新詩且細裁幾年無此夕獨欠兩
三杯

無題

老淚河源竭憂端泰華齊苦吟知有恨細寫却無
題事與孤鴻北身携片影西催歸烟樹外不用向
人啼

滄浪亭觀雨

蕭蕭北風吹北窓浪浪秋雨瀉秋江癡蠅不飛集
枯几饑鼠屢出翻空缸雜花葉底開無數佳木門
前立自雙散地自知心地遠賞音誰解足音跂

病中呈裕之

十載猶能復笑談歸來重覓讀書龕未陽白酒君
應具勾漏丹砂我自慚民訟幾何消自苦一作山
城雖小得窮探也知清儉難持久好趁秋風醉菊
潭

自遣

少日襟懷悔自豪莫年志節詎須高敢將議論輕
疑孟閒得工夫細和陶酒盡枯腸還磊礪詩成白

金鑑詩卷五十二
五
髮轉刁騷皇天汲汲誠何意也共人生一體勞
畚鍤家園手自操雖無多景足償勞十年種竹翻
嫌密一日栽松恨不高是處求田消二頃尚誰有
夢到三刀得名身後良癡計盡擬浮沉付濁醪

讀史偶書

楊彪不着鹿皮冠元亮還書甲子年此去亂離何
日定向來名節幾人全中原消息蒼茫外故里山
河涕淚邊六國帝秦天暫醉魯連休死海東孺

延津待渡寄仲溫參議

一望河干一慨然戰塵如霧水如天要知別後思
君處長在孤城落日邊

夜宿鄆城

殘月和燈照敝帷疎風乘隙入征衣恰逢遠客思
歸日正是家人說夢時

長門怨

天上神仙也別離人間那得鎮相隨不須貴買臨

全金詩卷五十二
六
印賦只想君王未見時

魯郊

六十衰翁更莫閒好將華髮映青山
穆生自合尋歸計不在區區醴酒間

解嘲呈王明府

江氣冥冥江雨飛潛夫四月著冬衣
野茶藤謝薺薇發山鷓鴣啼杜宇歸
青髻漸隨愁共減素心長與慢相違
四方糊口非君事自識飄零有是非

髮黃有感

飄蕭中年髮既少何用白蒼黃未甚
絲明知不更黑妻孥恐生悲勸我課
鉏摘眷然撫鏡鑷青山墮虛席

附山東志仁傑字仲梁濟南長清人才宏
學博元時屢徵不起

附遺山集南渡後李長源七言律詩清壯
頓挫能動搖人心高處往往不減唐人麻

知幾七言長韻天隨子所謂陵轢波濤穿
穴險固囚鑱怪異破碎陳敵者皆畧有之
然長源失在無穰茹知幾病在少持擇詩
家亦以此爲恨仲梁材地有餘而持擇功
夫勝其餘或亦有不逮二子者絕長補短
大槩一流人也今二子亡矣仲梁氣銳而
筆健業專而心精他日所至當於古人中
求之不特如退之之於李元賓也

金全 一首 補

補全字里闕官知府

弔王若虛

才名滾滾滿皇州不羨生封萬戶侯鳳沼數番承
上語玉堂終日近天遊太山已墜將何仰梁木新
摧歎不休幾度追思猶未已西風吹草一天秋

王木 一首 補

補木字里闕官刺史

題吳莘老萬卷堂

吳生祖父皆賢明清選幽居殊世俗碧水晴嵐燦
戶庭白雲宿霧封林麓好收書史贖新堂豈羨珠
璣誇潤屋文字本爲子孫藏子孫能勤文字熟撐
腸各有五千卷插架更盈一萬軸尺璧非寶競寸
陰五經何多捫便腹簡編不失鎮時習燈火稍親

兼夜讀敏厥修兮就有功學而優則期干祿况宜
養志無辭勞又欲分金賙不足責報吾聞如執券
盍為高門待華轂

劉仲游

四首

補

補仲游字里闕官京兆同尹

華清宮

唐家

一作宗

帝業艱難致終笑明皇學始皇不戒前

車成後轍華清宮殿勝阿房

溫泉

賜浴華清寵幸殊溫泉水滑洗凝酥至今西蜀逢
冬月尚畫楊妃出浴圖

乾陵二首

冬苑花開瑞氣殊
唐朝周號謾窺圖
聰明終悟梁公諫
宗廟明禋不附姑
處分昭陵牢固帖
宣和秘閣至今藏
外人豈計圖家事
還笏空悲褚遂良

高逸

二首

補

補高逸字里闕官臨晉縣令

遊延祚寺留題

已向靈峯得勝遊
更來延祚少遲留
高槐葉密晴無日
廣廈簷深氣似秋
嘉果摘將聊自食
新詩吟就與誰酬
一瓶一鉢能隨分
休把身心妄處求
招提深靜少炎曦
衰病無堪氣力微
一葉未聞庭下落
斷雲已見壠頭飛
齋餘鳥鵲爭殘啄
講罷松下

杉轉夕暉坐羨僧家偏省事令人心地樂皈依

陳君可 一首 補

補歸潛志君可永寧人

梅影 一作曹之謙

隔窻疑是李夫人 疑是一江月多情為返魂不似

丹青舊顏色 不似丹青一十分 一作憔悴立黃昏

鄔元章 一首 補

補元章介休人

題南華觀

試拈真理問南華生死元如覺夢何晝夜曾停覺
夢否古今還續死生麼潼山歲歲生春草睢水年
年有綠波子逝於今已千歲覺時何少睡時多

齊希謙 一首 補

補希謙趙閒閒友也歸潛志閒閒作城南
訪道圖諸公皆有詩希謙亦題其後

題趙閒閒城南訪道圖

億劫夢中誇識解一生紙上作風波到今不敢抽
頭去畢竟城南有甚麼

張聖予

一首

補

補聖予爵里無考見續夷堅志

賦古松

蟠根蹙足怪虬藏
平頂摩雲翠蓋張
不怕雪霜侵
玉瘦却愁雷雨化
龍驤異材詎肯資
梁棟靈夢還
能避斧戕萬古天
風吹不老岱宗山
色共蒼蒼

梅澤 一首 補

補澤長安縣人

望終南山詩

明月一樽酒清風萬卷書南山山下地終欲卜隣
居

劉方叔 一首 補

補方叔臨潼縣人

華清宮

廢宇傾垣不復新
開元輦道盡荆榛
惟餘一派溫湯水
長與行人洗路塵

惠吉 二首 補

補吉臨潼人

華清宮

開元已在太平基
天寶何緣遽致衰
應是用人終始異
溫泉嗚咽漫含悲

驪山

唐祚方當七葉興
侈心一動事華清
峯巒花木千重秀
樓閣雲霄萬丈平
賜浴但聞專寵幸
信讒不

復用賢明直教兵震漁陽地破碎霓裳羯鼓聲

二
十
二

胡光謙

二首

補

補光謙河中人

遊延祚寺用前人韻

精藍並構每攀遊接翠連香爲少留牆外果懸紅
帶日堂前松偃老經秋羨君利祿身非戀笑我雲
山志未酬欲學高眠林下客萬緣銷盡更何求
路入西郊背曉曦給孤園近景霏微光搖三界金
繩動聲颺雙林玉磬飛龍過山陰拖翠靄僧眠溪

影弄寒暉群公已約開蓮社只恐陶潛未肯依

附金史章宗本紀明昌三年四月尚書省
奏提刑司察舉涿州進士劉器博博州進
士張安行河中府胡光謙光謙年雖八十
三尚可任用勅劉器博張安行特賜同進
士出身光謙召赴闕秋七月丁亥光謙至
闕命學士院以雜文試之稱旨上曰朕欲
親問之八月辛亥特賜光謙明昌二年進

士第三甲及第授將仕郎太常寺奉禮郎
官制舊設是職未嘗除人以光謙德行才
能故特授之

李中立 一首 補

補中立字里無考

題凌雲屋

山圍平野四回環
天迴臺高眼界寬
雲漏殘陽明遠岫
濤翻急雨漲前灘
一川勝趣四時好
千里雄風三伏寒
誰見凌雲清絕處
夜涼空翠濕闌干

翟欽甫 一首 補

補宋趙潛養疴漫筆翟欽甫金人也衆飲
清庵欽甫偶至衆不之識俾賦清庵詩欽
甫故拙起句衆皆大笑及賦畢衆失色愧
謝延之上座

清庵

爲問清庵何以清霜天明月照蓬瀛廣寒宮裏琴
三弄白玉樓頭笛一聲金井玉壺秋水冷石田茅

屋莫雲平夜來一枕遊仙夢十二瑤臺獨自行

附堯山堂外紀翟欽甫金初人

鄭輝 一首 補

附絳州志潞公軒在翼城縣宋文彥博知翼城時建河亭後改今名金翼城縣丞鄭輝有潞公軒卽席繼和劉巨濟秀才韻云

潞公軒卽席繼和劉巨濟秀才

萬壑奔騰滙一灣構堂其上稱吟觀欲同鄴令投
巫近肯作陶軒容膝安心靜自當憑棊几氣清不

必飾雕欄徒誇海上蓬瀛遠始覺壺中天地寬山

勢東南插雲碧人家高下似星攢擬追潞國悠哉

樂

此中父老言潞公宰此邑優游自樂殊不以簿書介意

盍念清河作署難

縣署皆張仲溫所修

繁暑遠人如酷吏清凉生腋勝仙丹沿

流花圃真堪賞解愠絲絃誰復彈窓轉雄風來座

上雨疎雌霓掛林端休思酒社凋零伴

余與前令尹王公美

屢會於此今則無復舊日矣

且作詩人冷淡歡我輩三年窮聖

趣此中五月亦輕寒民安訟隙無餘事醉臥真須

向夜闌

雷發 一首

附山西志雷發有退藏齋詩云云

退藏齋詩

陋室何堪陋巷居
退藏天亦隱斯廬
看山破費工夫外
一炷清香玩易書

藺世一 一首 補

附麟遊志藺世一失其字麟遊人金進士
其游永陽園詩云云

游永陽園詩

歲久仙游觀園新五年過基惟吳生施買地費家
貨栽惟王子勤花木逾萬箇共勝永陽名千古無
令破又添長春亭不暇興遊邏瞰臨渺空濶綠靜
不可唾莫憐如覆錦堆繡最堪播瑞槐龍蛇活怪

石虎狼臥夜風一河喧晨鐘兩崖和人生誰有幾
事往悲豈那欲壓市塵囂且來取靜坐願書梁上
牌勿使塵泥澹

張旻 二首 補

附順天志金張旻有題天壇詩

題天壇二首

親傳君命下丹墀渡水穿雲入翠微王母洞投龍
簡日翩翩鶴駕彩雲飛
皇都別後陟天壇壇上焚香祝萬安喜遇仙燈昭
瑞應不妨良夜倚闌看

劉仲傑 一首 補

附濱州志仲傑字時彥山東濱州人大定
閒任鄆城令歷清河令遷太常博士有陶

山寺詩

登陶山寺

遺跡千年事恐誣幽棲誰信爲陶朱不知古寺東
山洞曾與西施共隱無

程自修 一首 補

補 谷音洛陽程自修字忘吾性孝友讀書

城東門翰林元裕之上其言行除禮部郎

中自修聞之棄家南去其獨坐詩甚佳

獨坐

終南在吾目秋色遠接應誰招天外翠來作窓中
靚娟娟初畫眉盈盈獨臨鏡雲去物象空月出心
源瑩我欲往從之有客誇捷徑洗耳復洗耳松風

入清聽

Blank space for the main text of the poem.

王澮 二首 補

補谷音遼東王澮字玄佐博學醇行州刺史迎爲師教授弟子百餘貞祐中就拜宣撫遼東宰相屢書請澮之鎮澮不應浮海遯去其感遇詩云云

感遇二首

迅景走北陸高木交翔風衆情悅妖冶豈云惠其終萬事無不有流轉大化中古來論成敗咄咄魚

爲龍牛車竄下國勢異情則同浦姚本祖擊桓桓
湯武功彼美二三子一笑清酤空

光風蕩繁囿丹絲綴柔柯游子去萬里空閨歛翠
蛾行雲落江水酒盡不成歌鷄飛與狗走妾命獨
奈何

國醫張子和 三首 補

補歸潛志張子和睢州考城人初名從正
精於醫貫穿難素之學歷歷在口其法宗
劉守真宗素藥多用寒涼然起疾救死多
取効士大夫稱焉爲人放誕無威儀頗讀
書作詩嗜酒久居陳游余先子門後召入
太醫院旋告去隱然名重東州麻知幾九
疇與之善子和論說其術因爲文之有六

門三法之目特行於世會子和知幾相繼
死迄今其書有焉

補趙秉文遺太醫張子和書夫天有六氣
以生寒暑燥濕風火故醫家欲治寒則必
以熱藥欲治熱則必以寒藥二者則不可
以偏廢往時吳楚之人喜溫藥初虞世論
之詳矣本朝大定間河間劉守真者號精
於素問多用涼藥以矯一時之弊施之於

膏粱之族飲食厚而腠理密頗得其効而
昧者用之至於殺人者多矣如太醫張子
和其人者其術亦有足多者子和嘗以炮
附子七枚以糖卷餅餌而食之佐以古人
蒸熨之法以起人瘧病用意健矣論者以
爲喜用涼藥未必然也然醫者人之司命
不可不慎書醫說以遺之

瀝亭

學劍攻書兩不成年來踪跡愈如萍而今灑水無
魚釣收拾綸竿海上行

酷嗜醫經五十年野芹曾獻紫宸前而今憔悴西
山下更比文章不值錢

齒豁頭童六十三邇來衰病百無堪舊遊馬上行
人老不似當初過汝南

附許州志張從正子和興定中召補太醫
居無何辭去乃與麻知幾輩日遊灑水之

上講明奧義辨析玄理遂以平日聞見及
嘗試效者輯爲一書凡十四卷名曰儒門
事親

王翰林彪一首 補

補歸潛志王翰林彪字武叔大興人貞祐五年經義魁也爲文頗馳騁波瀾性疎放嗜酒不拘細事初對廷策宣宗喜其文以爲似古人特授太子副司經國史院編修官進司經末帝在東宮頗見知後入翰林爲應奉遷修撰出爲平涼府治中入爲待制出刺州未赴南京被圍執之服絕粒藥

金言卷五十一
三十四
俄飲酒被藥死

賦呂唐卿海藏齋

虛白雲中含世界軟紅塵底寄虛舟只應烏帽紅
塵底相見蒼烟白鷺洲

史懷補

補歸潛志史懷季山陳郡人少游宕不羈
然有才思年既壯乃折節爲學與名士李
子遷侯季書王飛伯游作詩甚有功嘗作
古鏡詩甚工

冬日卽事

簷雪日高晴滴雨野烟風定暖生雲

劉琢 補

補歸潛志劉琢伯成中山人刻苦力學事
母教弟以孝友聞朋友居鄧州人甚重之
正大初舉進士南京余始與相識俄下第
歸久之河南亂聞在武仙軍人中仙使使
宋回為所殺哀哉

存句

吳蠶絲就方成繭楚柳綿飛又作萍

全金言卷五十二

三十三

全金言卷五十一
全金言卷五十二
三十三

